

肇慶府志卷二十一

藝文

經部

按所采之人多有表傳可考無傳者乃畧注履歷間有未知姑從闕如重見亦不注

易解圖說

國朝梁之棟撰

易經旨

國朝陳奇撰
奇陽江人

周易會通刪補

國朝潘嘉璧撰
嘉璧字圓子新興人歲貢生

易經講義三卷

國朝譚元颺撰
元颺開平人

易理精義

國朝譚韶音撰
韶音高明人

易準二卷

國朝鍾仲裕撰
仲裕鶴山人

易經講義

雷州府志仲裕字懋亭由拔貢任徐聞學教諭每與生徒講解經書剖晰奧義勞心學校厥功甚偉陞廉州府教授

讀易管窺上下編

國朝吳式郡撰
式郡字觀川高要諸生

肇慶府志

卷二十一

藝文

易經

易經

易經

易經

易經

易經

易經

913633
3800
21

右易類

尚書捷覽

明吳士耀撰
土耀四會人

尚書注釋三卷

國朝陳子檜撰
子檜新興人

右書

詩經橘園解

國朝馮滙撰
滙新興人副榜

詩經要領

國朝李潤林撰
潤林陽春人

詩經彙錄六卷

國朝范丕和撰
丕和陽春人

右詩類

禮經要旨

明孔學禮撰
學禮字立之封川人嘉靖歲貢生官睢寧主簿

家禮註補

明羅兆鵬撰
兆鵬鶴山人

維俗家禮

明劉夢錫撰
夢錫新興人

按夢錫一作夢賜

四禮末論

明梁大同撰
大同德慶人

射禮儀注

明黃榑撰
榑開建人

讀禮發明

國朝馮以錫撰
以錫鶴山人

禮記註釋五卷

國朝陳子檜撰

右禮類

陳氏春秋

漢陳欽撰
欽今封川人

漢書儒林傳陳欽字子佚以左氏授王莽後漢書陳元傳元父欽習左氏春秋元少傳父業為之訓詁注云欽自名陳氏春秋黃通志作十卷阮通志云隋唐志皆未著錄則其亡佚已久不知黃志何所據而云十卷也後漢書注亦無卷數

左氏同異

漢陳元撰
附見上

經典釋文司空南閣祭酒陳元作左氏同異

春秋經注十一卷

吳士燮撰
燮今封川人

經典釋文吳衛將軍士燮注隋志同吳書本傳燮耽玩春秋為之注解陳國袁徽與尚書令荀彧書交趾土府君

既學問優博又達於從政官事小闕輒玩習書傳春秋左氏傳尤簡鍊精微吾數以咨問傳中諸疑皆有師說意思甚密

春秋決議

明吳士燿撰

春秋傳意解一卷

國朝黃淮撰
淮字泓秋高要歲貢生

左國摘要

國朝梁冕撰
冕字式周新興歲貢生官保昌訓導

右春秋類

四書五經鉤元錄

明勞守謙撰
守謙鶴山人

書詩傳解

明易奇際撰
奇際鶴山人

經義博說

國朝劉啟鋌撰
啟鋌陽春人

經學指要

國朝劉宗瀚撰
宗瀚陽春人

右五經總義類

四書本旨二十卷

宋譚惟寅撰
惟寅高要人

大學義

中庸義

同上

見經義考黃通志作二卷

羅陽四書翼六卷

明區大倫撰
大倫高明人

大學定本

同上

四書邱里評

明胡斯覺撰
斯覺字悟元鶴山人萬厯歲貢生

四書講說

明張鴻撰
鴻開平人

四書一旨

明周裕珽撰
裕珽廣寧人

珽一作廷

四書說

國朝陳奇撰

橘園四書

國朝馮滙撰

四書口義

國朝李震華撰
震華新興人

四書要領

國朝李潤林撰

刪補四書大全

國朝張鑑撰
鑑陽春人

四書講義

國朝楊芳世撰
芳世高明人

四書格

國朝區準高撰
準高高明人

學庸講義

論孟筆錄

國朝李暢馥撰
暢馥鶴山人

鶴山縣志暢馥乾隆戊午舉人
明通榜新安敎諭祀崑陽義學

四書講義四卷

國朝譚元颺撰

中庸說畧一卷

國朝鍾仲裕撰

石稼堂四書善注

國朝崔有珍撰

四書精義

國朝劉宗瀚撰

四書精言

國朝盧男侶撰
男侶四會人

四書融注萃義

國朝曾健撰
健陽江人

學庸雜俎二卷

國朝呂瀾撰
瀾鶴山人

課勤齋四書講義

國朝古大鯤撰
大鯤鶴山人

四書緒言

國朝區啟科撰
啟科陽江人

右四書類

黃鍾考

明陳桂芳撰
桂芳陽江人

右樂類

六書攷

明周裕廷撰

右小學類

史部

通鑑綱目輯要九卷

國朝范丕和撰

右編年類

公私利害百疏

宋李天性撰
天性四會人

內外制誥稿

明區大相撰
大相高明人

區大司徒疏稿

明區大倫撰

何蒼水奏疏八卷

國朝何曰珮撰
曰珮德慶人

蓬萊府志

卷二十一

藝文

右詔令奏議類

理學名臣錄

國朝劉士課撰
士課字漢生鶴山人

陽春縣志士課歲貢生康熙二十年任
陽春訓導三十三年陞福建建陽縣丞

右傳記類

諸史摘要

明潘毓珩撰
毓珩新興人

右史鈔類

信安志十六卷

宋毛憲撰
見宋志

肇慶府圖經

未詳名氏
見輿地紀勝

肇慶府志

明知府王瑩修教授伍寧郡人梁致育等輯
正統五年庚申

四明王瑩序洪惟聖朝混一區宇際天所覆極地所載莫
不歸於版圖而廣之肇慶實在內服首霑德教為嶺南治
郡其建置沿革山川風土人才物產之類必有志以紀載
之永樂間郡嘗祇奉纂修錄輯成書進之秘府稿本則留
置郡中以備觀省焉
事奉勅命出知肇慶府視事之暇每取而閱之嘗欲增

校鑲板以廣其傳政務匆匆未及也今年夏府學教授伍
 寧以其續增校本來質於予且得以向所未就者俾訓導
 李瑀宋悅與郡之儒碩叅考之僉謂增校攸當允宜就梓
 復請予文冠諸編首義不可辭嘗考肇慶卽古端州於禹
 貢爲揚州之域於天文爲牽牛婺女之分野春秋時爲百
 越之地至秦漢始郡縣之厥後山川風氣人物習尚漸次
 革薄從忠載之舊志蓋有自矣逮我太祖高皇帝投戈講
 藝大興文治設學校以作新其人明禮義以淳厚其俗列
 聖相承仁漸義摩七十餘年之久薰蒸透徹之餘宜其風
 聲氣習一時爲之不變人才宦績煥然足以齒於中州政
 教之使然也予承乏治郡適際其時亦惟宣尙德化措之
 於民使俗益歸於厚以俟繼此可書則郡志之存非苟云
 耳由是山川之險易道理之遠邇戶口貢賦之豐耗人物
 風俗之盛衰與夫建置沿革不須考索登歷可以一覽而
 得之矣其有關於星土之留伏原於氣習之變遷繫於世
 道之否泰消息蓋非細務則是志之成夫豈適然也哉
 高要梁致育序畧永樂十七年嘗纂修志書吾郡奉行惟
 謹儒先蒐訪論次之詳悉依凡例以系其事爲肇慶府志
 若干卷上之其稿本嘗得而觀焉可謂周密曲盡蔑以加
 矣竊意以爲自纂修至今又二十年事有可紀者非一苟
 無以預載之也他日倘索其實以脩探擇故老淪沒憶記
 遺忘其就能前聞也惟時郡守四明王公方欲板行是書
 郡博伍先生寧據郡人所採事續之稿成就正於公遂命
 貳敎李先生瑀宋先生悅暨愚老耄相與考訂無疑書生

黃聚繕寫成帙錄梓以傳按致育高要人以鄉薦官訓導致仕家居修郡志有傳此序吳志不載見阮通志畧

按吳志以王鑿志為舊志第一於舊志第二注日志版缺舊本亦無攷云云考黃佐序徐志云正統成化

中凡兩修輯意第二志乃成化間修也

肇慶府志十八卷

明知府盧璘徐鵠修郡人陳九成等輯嘉靖四十年辛酉

海鹽徐鵠序按周禮大司成以土會土均之法辨十有二壤之名物則知五方之風氣不同是故燕冰不泮越草不零魏風刺儉曹風刺奢舟車異用冠屨異宜勞乎不齊也聖人為之審於異同之故察於順逆之端因其教不易其俗循其性不拂其能張弛宜民各中其則采於四方之志而已矣故志者君子之所以觀風考俗鑒古証今以彰治道者也余承端乏思所以適於治而未能爰稽於志疎綯既多駁正蓋渺散亂毀裂吾欲觀時政聞見不足徵已吾欲觀往蹟故實不足徵已前守盧君連城按璘進士餘姚人銳志纂輯畧見端緒余嗣守不可不踵其成也於是乎立類例慎編摩禮境內之髦士而賓之別館相與更定以考其成為例十有五始於圖經疆域而地利例矣表之以公署風之以學校文之以禮樂紀之以賦役以秩官者詔其爵以選舉者登其良以兵防者固其守以名宦者樹其聲以流寓者注其蹟以人物者錄其材以貞烈者彰其節藝文外志道之餘也咸得論次而傳焉按是而適於治之途

其庶幾矣太史公作史記於秦火之餘上溯黃皇下逮秦漢敘述盡乎古今研核窮乎百氏使往蹟可觀而記也惟善讀者能於利害得失之際繹其旨以要其所歸推而行之以期實用要非簡帙所能盡矧事關興廢道在商確苟可以便民不必格於恒例惟旁通觸類者能得之言外也亦猶行旅戒途夷險在目尤必齊其銜轍飾其輪轅然後歷險致遠要之於其所歸若川原盈涸陵谷變遷道路之梗日相侵乎其前則在變而通之俾不畫於半途斯已矣讀是志者當自得之黃佐序畧肇慶志修自宋時有李宗諤張宋卿二家厥後丁伯桂守郡重加刪潤務爲簡畧而文獻散逸不復可完國朝正統成化中凡兩修輯竟未及錄本至乃郡人侍御陳君九成偕諸俊彥廣摭以成者越二載海塩徐君鵠來知郡事首以文獻爲重禮延鄉諸進士補厥散佚而陳君仍綜其綱會通志告成悉從彙收入列圖於前而次第爲志凡十有八卷云阮通志云黃云作盧徐二名而序中未及不知何故按陳九成高要人有傳

肇慶府志二十卷

明知府鄭一麟修歸善葉春及等輯
萬曆十六年戊子見明志

山陰鄭一麟序余自司馬出守肇慶家大人進而教之曰予昔守柳州聞唐刺史子厚好奇郡中山水所在記述夫天子命吏以經國家理人民豈直爲遊觀歌咏地哉若肇慶爲粵西門戶控三江包八州洋洋一大郡也倘紀載不

肇慶府志五十卷

明知府陸鑒修郡人區懷瑞等輯
崇正六年癸酉

脩何以考鏡得失且職方亦司馬事也兒其勉之一麟頓
首唯唯至郡謁上臺開府則大司馬吳公余鄉王公以監
司左右之先是討平羅旁置州邑綏以文德民得息肩南
畝余守郡實承王公之後勉繼簫聲政和民洽乃以志請
大司馬曰羅浮葉刺史春及才雄學博可專其任若郡人
陳鎮江潭五河梁文學陳潭兩孝廉皆相與質正者也志
成余適入覲過里得籍手以報家君夫上古之世業有九
州之志其名九邱邱聚也言九州所有土地所生風氣所
宜皆聚此書也楚史倚相猶能讀之自孔子述職方以除
九邱討論典文斷自唐虞而禹貢遂爲萬世法他若禹本
紀山海經神怪弔詭摺紳先生不道故言九州志禹貢乃
其宗矣莫高山大川則壤定貢賦建諸侯文教武衛二者
其制治之大端也肇郡山高水遠多崗陵林藪洧鹵之地
田不逮揚而賦乃與冀埒量其貢過於橘柚之包計其庸
重于輸將之服權其貨軼於漆林之征秩其官衆於諸侯
之建予不佞待罪太守日夜皇皇勞來搏節常懼無以安
民語曰鑒於水者知妍與媸鑒於古者知得與失欲知制
治之猷具此志矣明歲大計對揚明命天子進郡國吏問
民疾苦臣一麟謹陳所志稽首頓首對曰此上之德也二
三臣之力也小臣何功之有歸善縣志葉春及字化甫
舉人萬歷辛卯以薦起歷官江西司郎中著有政書權書
肇慶府志順德縣志永安縣志按粵中此三志最爲有名

平湖陸鑿序古者天子巡狩方岳詢俗采風輶軒之使亦
集里詠方言以獻至太史纂錄取副郡國則圖志所繫凡
城廓疆里戶口貢賦人民風俗土產於是乎在蓋山河渺
邈或阻梯航茲昔遷湮慮消桑海匪是不足當指南車記
里鼓也乃學士家束髮受書輒期考古鏡得失將一部十
七史直寸管羅之洎入官則不能舉所轄彈丸何歟肇慶
嶺海奧區縮轂兩粵山川秀麗賢哲挺生稱名郡焉屬者
軍旅頻興賦役孔棘雖陳元經術薪火長傳而步騭之干
戈亦相尋而未有止也一切經制裒益倍異曩時郡邑所
紀欲不更張得乎漢張千秋從擊烏桓歸述方畧形勢歷
歷如指掌世卜其興彼武夫猶能如是矧擁麾出四缺十
粉本嗣是正統成化嘉靖萬厯間修輯再四都數已脩二缺
字已巳水部郎出守首訪圖志將觀法焉而歲久例殊人
亡典蝕皮板左藏者駸駸沒字碑矣商諸同志郡孝廉區
君懷瑞何君湛然黃君虞龍及吾友茂才陳君詩教謀爲
訂訛補缺芟繁易新翻而刻之庶幾文獻足徵乎俄以觀
行不果至壬申夏少司馬我翁王公心翁熊公先後蒞鎮
剪滅菁峒方伯洪厓王公觀察嶺西復告陽春之捷定武
修文此其時矣爰請諸臺咸報可於是開館庀楮聚材卒
業以纂訂屬之諸君以蒐覈責之屬部以貲斧計之敝邑
以繩督嚴之府史若夫總持衡鑒刪潤葛藤則予不敏亦
不敢多讓蓋業有其緒矣會予量移嶺南猶得從郵筒相
商確而嗣子來觀者則俶聞陳君及僚吏以下復能仰襄
盛典廼不三年告竣志成首圖經次事紀次爲表者三次

為志者十次為傳者四凡五十卷猗歟缺二自萬歷志後
曠絕四紀缺四獻復無徵則考證難與墜靡恆兵賦缺四
討難幽熾莫彰大力輒負則筆削難驢
笈缺以下缺無按區懷瑞高明人有傳

肇慶府志三十二卷

國朝知府史樹駿修郡人區簡臣輯
康熙十二年癸丑

武進史樹駿序肇慶志五十卷明太守平湖陸鏊撰其書
創於四明王瑩而華亭黃瑜繼之海鹽徐鵠山陰鄭一麟
又遞相纂輯自正統五年迄崇正六年鏤版者四而肇慶
之志始脩明末兵起急武功而忘文事版亦旋廢故傳之
者少後之仕宦於斯者求一副本不可得於前人行事之
蹟亦罕能詳之辛亥仲冬予偶得之郡人梁應時家取而
閱之大約鏊之成書喜為標目有表有傳有紀有志議論
雖多考核未盡事多舛互編次失倫所收藝文半於卷帙
未免濫觴之議乃於簿書之間謀所以序正之會朝廷
稽古右文郡邑有司皆得修其紀載於是諮之故老考之
令甲殘碑斷簡靡不畢講竭一人之愚閱五月而書成文
減於前事增於昔定為三十二卷肇慶之志復脩夫肇慶
之為郡本一州治割附諸縣亦他郡荒僻不治之地於粵
東最為瘠薄非有通都大邑聲名文物之美可夸示天下
然而習尚簡樸器用無華纖嗇自給則民生之所以盛負
嵎走險恣其狡黠疾富噬愚則風俗之所以衰盛衰之端
莫非政治之所當經紀至於積漸之久有所以因革損益
以為法令禁防禮儀教養之制雖其事屢更亦各施於一

代為治者之所不可不考也而山川之氣發為人文秀傑
貞廉節烈之行皆不可不列以為世鑒况於治亂之間匡
襄底定鞠育撫摩有功德之可思有典型之足式若此者
亦不絕於時昔人所謂澤在斯民沒世不能忘者甘棠之
詩所為作也安可使之泯泯不少概見於後世哉則肇慶
之志其可廢乎蓋此書在昔諸賢成之如此其難廢之又
如此其久豈無名公碩士欲修舉而未能力以余之恫幅
不文適逢其會成之反如此其速雖一邦之典志顯晦亦
各有時也哉
阮通志畧樹駿號庸菴
江南進士康熙八年任簡臣高明進士

肇慶府志三十二卷

國朝知府宋志益修順德鄭際泰訂
康熙五十八年己亥

長洲宋志益序肇慶志創自前明永樂間其始創者已失
其名宣德中郡首四明王君瑩始為鏤版海鹽徐君鵠始
分例為十有五舉兵防疆城公署學校禮樂賦役秩官志其
後山陰鄭君一麟平湖陸君鏊繼之我朝鼎興郡守史
君樹駿修輯於康熙十有二年其贊襄而任分編者高明
區簡臣進士也史君之序謂整書喜為標目議論雖多考
核未盡事多舛互編次失倫又所收藝文半於卷帙因而
藝文刪削過半正其舛互則史君之所謂修也文減於前
事增於昔則史君之所謂輯也其辭若頗自矜者夫班馬
皆良史才而前漢書尚於史記有微詞况史君之於陸君
哉余搜史君之志定為三十二卷分為圖象沿革星野輿
地建置秩官賦役學校選舉兵防水利祀典名宦人物歲

時物產仙釋雜志藝文等例而灾祥附於水利後流寓附
於名宦後寺觀附於仙釋後豈其不足特見乎何為獨從
附見之例也余惟我國家統一四海
聖天子之深仁厚澤雖嶺海遐荒靡不沾被肇郡十有二屬

其為蠲租賜復恤災賑貸廣額宥過之
洋而恩普浹洽乎人心不可闕書也爰為增入事紀一條
而餘悉仍其舊但於其附見者姑離而二之計前此志版
日久而漫滅者數矣自史君以來已四十餘年其版亦稍
有殘闕繙閱之下或猶循舊志之失而未及改乃知假手
於人固未易易耳余之增輯平是不敢肆臆見之私亦不
敢謂蒐討之脩特以事必徵信其見之通志及州縣志者
固可憑矣其所未詳要必先之州牧縣令次及學博各具
事冊以為據依而增輯焉稿既成復質之珠江鄭太史所
審訂之然後敢授之剞劂氏蓋緣世好之雅故請益不厭
其煩而老成碩望猶足為人徵信也余所增輯皆承史區
二君之舊故每卷之首仍次其各於前行以示不敢掩襲
前人之美間有改易增註詳於凡例他如著書之何以有
裨於政何以不讓乎史則前人序之詳矣此不復贅云
阮通志畧志益長洲人歲貢康熙甲午任己亥續
集郡志按鄭際泰康熙丙辰翰林通志有傳

肇慶府志二十八卷

國朝知府吳繩年修南海何夢瑤輯
乾隆二十四年己卯

分巡肇羅道眉山彭端淑序畧端州郡志創始於明歷今
凡六易其板崇正時平湖陸君鰲釐為五十卷陸君高才